



12. november 2025

UPA2025/13

Uunga siunnersuut: Aningaasarsianik akileraarutit pillugit Inatsisartut inatsisaata allanngortinneqarneranik Inatsisartut inatsisissaattut siunnersuut.

(Aningaasaqarnermut Akileraartarnermullu Naalakkersuisoq)

Naalakkersuisut inatsisissatut siunnersuutaannut qujanarusuppugut. Siumumiillu imaattumik oqaaseqarfigissavarput.

Inatsisissatut siunnersuutit tunngaviusumik siunertaraa nunatsinni suliffeqarfiit soorlu kukkunersuiusut aammalu inatsisilerinermik suliffeqarfiit aningaasanik nililinnit uppersaallutillu nalunaarsuisussaataitanerata ersarissarneqarnerat. Tassa imaappoq suliffeqarfiup maani nunami aningaasarsiorsimasup aamma pisussaaffii annertusarneqarlutik pineqalerpoq. Tamannalu Siumumiit tamakkiisumik tapersorsorparput.

Siumup anguniarpaa pisuussutit nunatsinni pilersinneqarsimasut nunatsinni iluaqutaassasut, nunanullu allanut uatsinnut iluaqutaanngitsumik tammakaatinneqassanngitsut.

Siumup qulakkeerumavaa sulineq iliuuseqarnerlu akilersinnaassasut. Akileraartarnek pisariitsumik aaqqissuunneqarsimasoq aamma naapertuilluartoq eqqunneqassaaq.

Ilami maani nunami aningaasarsiorluarsimagaanni pisussaaffiusariaqarpoq aningaasanik nalilinnik akileraarnaveersaarnek pinnagu kisiannili pisussaaffimmik malitseqartumik akileraarutitigut kivitseqataanissaq, taamaattumik aningaasanik nunatta avataanut annissisinnaanarit pinngitsoortinniarlugit suliniarneq maanna Naalakkersuisut inatsimmi matumani saqqummiussaaf Siumumiit isumaqatigaarput.

Siumumiit inatsissip tusarniaaffigineqarnerani oqariartuutit assigiinngitsut tunngavigalugit ataatsimiisitaliami naalaarlugit suleriaqqissasoq kaammattuutigissavarput, inatsimmi Kalaallit Nunaanni innuttaasunut pitsaanerpaq anguniarlugu sulinermi qulakkeerneqaaqullugu.

Inatsisip naleqqussaassutiginnissaa takisoorujussuarmik oqaluuserinngikkaluarlugu politikkitaq qitia uagut Siumumiit paasilluarparput. Suliffeqarfiit maani nunami aningaasarsiorluareerlutik ingerlatsisimasut nalilinnik nunatta avataanut annissuinnarsinnaanissaat pinngitsoortinniarlugu imaluunniit pisussaaffitsigut sukateriffigineqarnerat Siumumiit isumaqatigaarput.



Siumumiit siunnersuut ilalerlugtigu taamallu naatsumik oqaaseqarluta siunnersuut ilalerparput,
Aningaasaqarnermut Akileraartarnermullu ataatsimiisitaliamullu ingerlateqqillutigu.

Erik Jensen

Siumut